

Հաստատված է

«Հայաստանի երիտասարդ իրավաբանների
ասոցիացիա» հասարակական կազմակերպության
վարչության՝

«26» նոյեմբերի 2004թ.-ի թիվ 26-4 որոշմամբ:

«Հայաստանի երիտասարդ իրավաբանների
ասոցիացիա» հասարակական կազմակերպության
նախագահ՝

Կ. Զադոյան

ԿԱՆՈՆԱԴՐՈՒԹՅՈՒՆ

(Նոր խմբագրությամբ)

**«ՀԱՅԱՍՏԱՆԻ ԵՐԻՏԱՍԱՐԴ ԻՐԱՎԱԲԱՆՆԵՐԻ
ԱՍՈՑԻԱՑԻԱ» ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ
ԼՈՌՈՒ ՄԱՐԶԱՅԻՆ ՄԱՍՆԱՅՅՈՒՂԻ**

1. ԸՆԴՀԱՆՈՒՐ ԴՐՈՒՅԹՆԵՐ

- 1.1. «Հայաստանի երիտասարդ իրավաբանների ասոցիացիա» հասարակական կազմակերպության (հետագա տեքստում հիմնադիր) Լոռու մարզային մասնաճյուղը (հետագա տեքստում՝ մասնաճյուղ) հիմնադիրի առանձնացված ստորաբաժանումն է Հայաստանի Հանրապետության Լոռու մարզում:
- 1.2. Մասնաճյուղը գործում է ՀՀ օրենսդրությանը, հիմնադիրի և սույն կանոնադրությանը համապատասխան:
- 1.3. Մասնաճյուղի անվանումն է.
հայերեն՝ «Հայաստանի երիտասարդ իրավաբանների ասոցիացիա» հասարակական կազմակերպության Լոռու մարզային մասնաճյուղ,
անգլերեն՝ Lori regional branch of the non governmental organization “Armenian Young Lawyers Association”
- 1.4. Մասնաճյուղը գործում է ՀՀ Լոռու մարզի ողջ տարածքում:
- 1.5. Մասնաճյուղի գտնվելու վայրն է Հայաստանի Հանրապետություն, Լոռու մարզ, քաղաք Վանաձոր, Վարդանանց 82, բն. 1:

2. ՄԱՍՆԱՅՅՈՒՂԻ ԳՈՐԾՈՒՄԵՈՒԹՅԱՆ ԱՌԱՐԿԱՆ ԵՎ ՆՊԱՏԱԿՆԵՐԸ

- 2.1. Մասնաճյուղի նպատակներն են Լոռու մարզում իրականացնել հիմնադիրի կանոնադրությամբ սահմանված նպատակները և խնդիրները, իրականացնել հիմնադիրի նպատակներից և խնդիրներից բխող ծրագրեր և միջոցառումներ, ներկայացնել հիմնադրին Լոռու մարզի պետական և ոչ պետական մարմիններում, կազմակերպություններում, տեղական ինքնակառավարման մարմիններում և այլ կազմակերպություններում ու հաստատություններում:

3. ՄԱՍՆԱՅՅՈՒՂԻ ԻՐԱՎԱԿԱՆ ԿԱՐԳԱՎԻճԱԿԸ

- 3.1. Մասնաճյուղը իրավաբանական անձ չէ, գործում է հիմնադիրի (գրանցված ՀՀ արդարադատության նախարարության կողմից, նախարարի հրաման թիվ 2031, վկայական թիվ 164) հաստատած կանոնադրության հիման վրա:
- 3.2. Մասնաճյուղը ինքուրույն հարկատու (հարկային գործակալ) չէ, իր գործունեության հաշվետվությունը ներկայացնում է հիմնադրին, որը որպես հարկատու գրանցված է ՀՀ հարկային պետական ծառայությունում (հարկային կոդ 01512352):
- 3.3. Մասնաճյուղը կարող է, հիմնադիրի կողմից սահմանված կարգով, իր անվանումով ունենալ կլոր կնիք և պաշտոնաթղթեր: Պաշտոնաթղթերի ձևերը հաստատվում են հիմնադիրի կողմից:
- 3.4. Մասնաճյուղը, հիմնադիրի կողմից սահմանված կարգով, կարող է ունենալ ընթացիկ հաշիվ, որի միջոցները կարող են ծախսվել հիմնադիրի հաստատված նախահաշվով:

4. ՄԱՍՆԱՅՅՈՒՂԻ ԿԱԶՄԱԿԵՐՊԱԿԱՆ ԿԱՌՈՒՑՎԱԾՔԸ

- 4.1. Մասնաճյուղի գործունեության և կառավարման հետ կապված ցանկացած հարցի վերջնական լուծման իրավունքը պատկանում է հիմնադրին:
- 4.2. Մասնաճյուղի կառավարման մարմիններն են ղեկավարը և խորհրդիդը:
- 4.3. Մասնաճյուղի ղեկավարը նշանակվում է հիմնադիրի իրավասու մարմնի կողմից և գործում է նրա կողմից տրված լիազորագրի շրջանակներում:

- 4.4. Մասնաճյուղի ղեկավար կարող է նշանակվել հիմնադրի անդամ կամ համակիր անդամ հանդիսացող անձը:
- 4.5. Մասնաճյուղի ղեկավարը հիմնադրի կողմից տրված լիազորությունների շրջանակներում՝
- ա) իրականացնում է մասնաճյուղի ընդհանուր ղեկավարումը և կառավարումը՝ իմանադրի կողմից սահմանված կարգով կնքում է պայմանագրեր և տալիս է հրամաններ,
- գ) ընտրում է մասնաճյուղի աշխատակազմի անդամների թեկնածուներին և ներկայացնում է հիմնադրի նախագահի հաստատմանը, աշխատողներին տալիս է կատարման համար պարտադիր ցուցումներ,
- դ) հիմնադրի կողմից սահմանված կարգով տիրապետում և օգտագործում է մասնաճյուղին հանձնված գույքը և ֆինանսական միջոցները,
- ե) ներկայացնում է մասնաճյուղը Լոռու մարզի պետական և ոչ պետական նարմիններում, կազմակերպություններում և հաստատություններում, ինչպես նաև տեղական ինքնակառավարման մարմիններում,
- զ) իրականացնում է հիմնադրի նախագահի գրավոր և բանավոր հանձնարարությունները,
- է) նշանակում է մասնաճյուղի պատասխանատու քարտուղարին, որը գործում է հասարակական կարգով,
- ը) հիմնադրի նախագահի հանձնարարությամբ հիմնադրում և լուծարում է մասնաճյուղի տարածաշրջանային գրասենյակ (ներ), որի (որոնց) կանոնադրությունը (ները) և ղեկավարի (ների) թեկնածությունը (ները) ներկայացնում է հիմնադրի նախագահի հաստատմանը:
- թ) իրականացնում է այլ աշխատանքներ:
- 4.4. Մասնաճյուղի ղեկավարը սույն կանոնադրությամբ իրեն վերապահված առանձին լիազորությունների կատարումը, հիմնադրի համաձայնությամբ, կարող է վերալիազորել այլ անձանց:
- 4.5. Մասնաճյուղի ղեկավարը հաշվետու է հիմնադրին: Մասնաճյուղի ղեկավարը հիմնադրի նախագահին և գործադիր տնօրենին մասնաճյուղի և իր գործունեության վերաբերյալ ներկայացնում է ամենամյա, եռամսյա, վեցամսյա և տարեկան հաշվետվություններ,
- 4.6. Մասնաճյուղի աշխատանքների տարեկան արդյունքները հաստատվում են հիմնադրի նախագահի կողմից:
- 4.7. Մասնաճյուղի գործունեության վերահսկողությունը իրականացվում է հիմնադրի նախագահի և գործադիր տնօրենի կողմից:
- 4.8. Մասնաճյուղի խորհուրդը մասնաճյուղի ղեկավարին կից խորհրդակցական նարմին է, որը բաղկացած է հիմնադրի՝ մասնաճյուղում հաշվառված անդամներից և համակիր անդամներից (հետագա տեքստում անդամներ):
- 4.9. Մասնաճյուղի խորհուրդը քննարկում է մասնաճյուղի գործունեության, ծրագրերի, անդամության, մասնաճյուղի և մասնաճյուղի գրասենյակ(ներ)-ի կառավարման հետ կապված հարցեր:
- 4.10. Մասնաճյուղի խորհուրդը կարող է որոշումներ կայացնել, եթե մասնակցում են մասնաճյուղի անդամների մեծամասնությունը: Որոշումներն ընդունվում են մասնակցների ծայների պարզ մեծամասնությամբ և մասնաճյուղի ղեկավարի համար կրում են առաջարկությունների բնույթ:
- 4.11. Մասնաճյուղի ղեկավարը ի պաշտոն հանդիսանում է խորհրդի ղեկավարը և ղեկավարում է խորհրդի աշխատանքները:
- 4.12. Խորհուրդը իր աշխատանքները կազմակերպում է նիստերի ծնով, որոնք հրավիրվում են տարեկան առնվազն մեկ անգամ: Խորհրդի արտահետք նիստեր կարող են իրավիրվել մասնաճյուղի ղեկավարի որոշմամբ կամ

- խորհրդի անդամների մեծամասնության գրավոր պահանջով՝ խորհրդի ղեկավարի կողմից:
- 4.13. Խորհրդի նիստերի արձանագրումը կատարվում է մասնաճյուղի պատասխանատու քարտուղարի կողմից, իսկ խորհրդի կողմից ընդունած որոշումները ստորագրվում են մասնաճյուղի ղեկավարի և պատասխանատու քարտուղարի կողմից:

5. ՄԱՍՆԱՅՅՈՒՂԻ ԳՈՒՅՔԸ ԵՎ ՄԻՋՈՑՆԵՐԸ

- 5.1. Մասնաճյուղի գույքը և միջոցները գոյանում են հիմնադրի կողմից հատկացված հիմնական և շրջանառու միջոցներից, քաղաքացիների և կազմակերպությունների նվիրատվություններից, դրամաշնորհներից և ՀՀ օրենսդրությամբ չարգելված այլ աղբյուրներից:
- 5.2. Մասնաճյուղը գույքի և միջոցների նկատմամբ ունի միայն տիրապետման և օգտագործման իրավունք:
- 5.3. Մասնաճյուղը չունի առանձին հաշվեկշիռ:
- 5.4. Մասնաճյուղի գույքի մեջ մտնում են նյութական և ոչ նյութական օբյեկտները:
- 5.5. Մասնաճյուղը հիմնադրի կողմից սահմանված կարգով կարող է ունենալ ընթացիկ հաշիվ, որի միջոցները ծախսվում են հիմնադրի հաստատած նախահաշվով:
- 5.6. Գույքի նյութական օբյեկտներն են հիմնական և շրջանառու միջոցները, դրամական միջոցները, նպատակային օգտագործման ֆոնդերը և այլն:
- 5.7. Գույքի ոչ նյութական օբյեկտներն են խորհրդանշիշը, հեղինակությունը և այլն:
- 5.8. Մասնաճյուղի աշխատակիցների հաստիքացուցակը, դրույքաչափերը և աշխատավարձերի վճարման կարգը հաստատվում է հիմնադրի կողմից:
- 5.9. Մասնաճյուղում աշխատանքային հարաբերությունները կարգավորվում են ՀՀ աշխատանքային օրենսդրությամբ, ինչպես նաև հիմնադրի կանոնադրությամբ և աշխատակազմի կանոնակարգով:

6. ՄԱՍՆԱՅՅՈՒՂԻ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒԾԱՐՈՒՄԸ

- 6.1. Մասնաճյուղի կարող է վերակազմակերպվել ու լուծարվել հիմնադրի կողմից՝ ՀՀ օրենսդրությամբ սահմանված կարգով:
- 6.2. Լուծարման դեպքում մասնաճյուղի ամբողջ գույքը անցնում է հիմնադրին: